

XI. 1^f = Q.

(cat. 4, 9-22.)

LEGES

Pro

Convictoribus Mensarum Com-
muniæ in Collegio Paulino

ACADEMIÆ

LIPSIENSIS,

Recognitæ, & denuo publicatæ

Anno post Christum natum

MDCCX.

L I P S I Æ,
LITERIS BRANDENBURGERIANIS.

47

*Die 19. Sept. 1716
Jahr ig. der Lipsia. Comm.
in Leipzig eingetrag.*

LEGES

no

Convictoribus Mentarium Com-
munitum in Collegio Paulino

ACADEMIAE

LIPSIENSIS

Recognita, & denuo publicata

Anno post Christum natum

MDCCLX

L I P S I A E

LITERIS BRANDENBURGICIS





Rescentibus in dies temporum horum difficul-
tatibus, atque augefcente juvenilis ætatis
ferocia & perversitate, non solum Principis
Sereniss. nova constitutio, sed ipsa quoque
necessitas nobis imponit curam diligentis &
accurati respectus atque animadversionis in

eos, qui communium mensarum beneficio fruuntur, ut
severiore disciplina eosdem regendo, ac petulantiam coër-
cendo efficiamus, quo beneficia illustri munificencia in ho-
mines dignos & tales, de quibus bonæ frugis spes sit, confe-
rantur. Quamobrem visum est, sequentibus capitibus de-
finire, quinam deinceps ad usum dictarum mensarum admitti
debeant.

I.

Quicumque E. cibum in hoc contubernio capere vo-
let, eum ante omnia in doctrina Evangelica, & religiosa pie-
tate tradita in scriptis Prophetis & Apostolicis, ac repetita
in libro Christianæ Concordiæ, breviterque comprehensa in
Catechetica Institutione D. Martini Lutheri, sacræ memo-
riæ, nobiscum sincere consentire, & conjunctum esse o-
portet.

II.

Serenissimæ Domui ac familiæ Saxonicæ, secundum
DEum beneficii hujus largitrici benignissimæ, ad gratitudi-
nem

nem perpetuam procurando illius commoda, & avertendo omnia incommoda, quantum in ipso est, obligatum se esse sciat.

III.

Nomen quoque suum in libro Rectoris perscriptum & obsequio illi addictum esse noverit.

IV.

Magnif. Dn. Rectori, ut & Dnm. Decem - Viris, ac in specie Dn. Inspectori honorem & obedientiam declarabit,

V.

Quilibet Convictor non solum privatas, sed & publicas praelectiones sedulo diligenterque audiet.

VI.

Convictores frequenter & sedulo interesse debent Disputationibus, aliisque actibus solennibus publice indictis, praecipue anniversariis atque Ecclesiasticis illis congregationibus, quibus concio Latina habetur in Templo Paulino, ut & recitationi Legum & Statutorum Academiae.

VII.

Mensis accubituri ante omnia preces ad Deum attentas effundant, & Lectoris verba, quae cum in finem, ante & post cibum recitat, simul sua faciant, & devote pronuncient. A mensa discessuri iterum Deo agant grates decentes, Inter preces quoque nemo tecto assideat capite, neque discedat ante dictam gratiarum actionem. Qui hoc pietatis officium neglexerit, is sciat sibi in hoc Convictorio locum esse non posse.

IX.

IIX.

Quilibet mensarum Inspector observabit hosce impios, qui contra has leges peccant, & Domino Directori, vel Concilio Decem - Virali singulis septimanis indicabit.

IX.

Qui communes has mensas frequentat, is pretium consuetum pro victu sine mora omni, in menses singulos, Oeconomo prænumeret. Hoc qui non fecerit, ex numero Convictorum excludetur.

X.

Qui liberalibus studiis non est consecratus, illi in hoc Convictorio non est locus.

XI.

Quicumque a mensa aliquandiu abfuerit, eamque Oeconomo aperte non resignaverit, ad pretium pro victu exsolvendum non minus teneri se sciat, ac si præsens adfuisset.

XII.

Si quis Convictorum pretio prænumerato hinc abierit, ei ad mensem unum (nisi notoria invaletudo diutius eum detinerit, id quod Dn. Inspectori indicare debet) relinquere in hoc Convictorio locus potest.

XIII.

Si quis diutius abfuerit, tunc Seniore incumbit sub poena remotionis talem absentiam indicare Dn. Inspectori, ut loco illius Convictor alius recipiatur.

XIV.

Si quis hinc discedens, aut quocunque modo se subducens locum suum in Convictu deseruerit, nec Oeconomo satisfecerit, talis secundum Academiae statuta, ter de more ad valvas Collegiorum publice citatus & admonitus, si non comparuerit, ac contumaciter emanferit, Relegationis poena & infamia se affectum iri certo sciat.

XV.

Nemini concessum esto, Oeconomo, ejusdemque ministris cibum apparantibus ullam molestiam exhibere. Quicumque E. dicto factove eis molestus fuerit, vel contumelia, aut injuria eosdem affecerit, is non solum mensae jacturam faciet, verum a Magnif. Rectore quoque & Decem - Viris condignam pro delicti magnitudine poenam & animadversionem sibi expectandam esse sciat.

XVI.

Si quis forte ab Oeconomo, vel eidem adjunctis, quoquo modo laesum se existimaverit, is memor obligationis suae de non vindicando seipsum, querelam ad Dn. Rectorem, aut Dn. Inspectorem deferat, qui adhibitis Decem - Viris pro re nata justitiam administrabunt.

XVII.

Qui mappas disciderit, patinas & quadras petulanter confregerit, vel etiam fornaci & fenestris aliisque utensilibus damna intulerit, a mensa removebitur.

XIIX.

Sub ipsum punctum horae XII antemeridiana & VI pomeridiana fores coenaculi panduntur; quo tempore si-
ne

ne tumultu & indecente strepitu Convictores ingredien-
tur , locumque sibi assignatum singuli occupabunt.

XIX.

In ipso prandendi cœnandique actu modeste assidere
mensis , attentèque audire debent , quæ præleguntur , in-
super ab omni strepitu , clamore , garritu , risuque immo-
dico & quavis tumultuatione alia penitus abstinere volu-
mus Convictores universos & singulos , poenam statuentes
in immorigeros & pétulantes , ipsam mensæ communis
privationem.

XX.

Senior quoque cum Inspectore legum harum sit cu-
stos , suisque Cœmmensalibus bono exemplo præeat , inle-
ges has peccantes in viam reducere studeat , contumaces ve-
ro Dn. Inspectori indicet.

XXI.

Schedas conspiratorias , chartasque famosas legibus
Academicis severissime prohibitas , qui affixerit , sparseritve
in Convictoriopublico , aut alteri lectas tradiderit , nec Dn.
Inspectori , aut Dn. Rectori tradiderit , is non modo a men-
sa removebitur , sed & relegabitur.


XXII.

Symposia ac computationes , quæ hæctenus de pecu-
nia ex multis aliisque collecta , a nonnullis post cibum sum-
tum in Cœnaculo hoc fieri consueverunt , justis & gravibus
de causis omnino tollimus , prohibemusque severissime ; qua
de causa volumus , ut statim post auditam horam primam
antemeridianam , & vesperi post auditam horam septimam ,
Cœnaculum hoc claudatur.

XXIII.

Atque ut ea, quæ de publica disciplina in hoc Con-
 victorio diligenter & accuratè deliberata, ac communi-
 bus sententiis, consilioque maturo constituta sunt, rara
 a cunctis habeantur, inviolataque servantur imposterum;
 ad obedientiam hisce legibus præstandam, sub pœna remo-
 tionis volumus adstrictos Convictores universos & sin-
 gulos. Quibus diversum placuerit, ali-
 bi sibi mensam & victum
 quarere poterunt.





Yc 6668

ULB Halle
002 639 041



3

82

13. 19. 1894

VD 77

m.c







LEGES
Pro
Convictoribus Mensarum Com-
munium in Collegio Paulino
ACADEMIÆ
LIPSIENSIS,

Recognitæ, & denuo publicatæ

Anno post Christum natum

MDCCLX.

L I P S I Æ,
LITERIS BRANDENBURGERIANIS.

47
*9. 19. Sept. 1710
fabr. ig. des. Tisch in comm.
in Leipzig angetreten.*